

康  
對  
山  
先  
生  
集

康對山先生集卷之八

七言古詩

丈夫行贈谷濟元兄令巴蜀

丈夫處世人莫知良驥在櫨空悲嘶仲尼相魯且不  
稱求赤區區將若為昔予弱冠遊鄉校文章每出惟  
君好遂與忘年二十春世人那得窺其妙今歲春官  
君又歸暫同毛義慰親闢領邑不辭蜀道險作吏肯  
令心事違科場自古滯豪傑子瞻何必青雲客會當  
簪筆侍明光令人再覩搏風翮

送孫鏗

有客有客自河中春日訪予來武功手出長卷四五  
軸凡所為贈皆鉅公羨君行年三十二能使世人知  
姓字金陵羞言傳奉時藍袍自惜風流事一旦京華  
汗漫遊頓令醒颺埋高致聞君家世傳英武曆積詩  
書勤學古勵志湏令竭死生成名奚必慚囚虜君不  
見首陽山頭雪如銀人生那計百年身若將此義從  
容去寧愧當時采蕨人

相思行

相思雖深相見難於君况是長年別高義驚聞貧賤  
初深情遂許金蘭結三黜誰知下惠賢幽居未忝東

方纍忽然感歎欲攀衣豈意逢君洛陽陌頗謂能諳  
野鶴心不堪猶有雲泥隔河澗浪懼外人情東施豈  
是傾城色含笑長歌策杖來三徑黃花半欲開沽酒  
鳴絃謝人世爾曹碌碌何有哉

送馬天瑞還京

庚申長安一見君知君氣蓋千人軍正德八年定蜀  
賊延綏健兒豺虎群此時

天子方西顧名公才將屯如雲君從制帥邁經過老  
眼拂拭知建勲果然三月破綿漢遂令巴蜀無妖氛  
渭水秦山壯氣迴金臺恒欵益崔嵬相逢意氣還如

昔愧爾經邦濟世才

元夜見晉歌者辛寶賈謐賈勝

教坊子弟幾人好獨有騰謐與辛寶十年不識五音  
清一奏真令百憂掃幽居頗乏杯酒勞靜中却喜見  
爾曹衣衫鵝結不蓋膝自覺藝妙心神高晉盡夜深  
月將落猶惜知音促絃作我心感之雙淚流爾曹豈  
係無依託古來志士咸若茲知已難逢老溝壑中之所負安肯索

秋風詞

長安道上秋風起吹入青門草靡靡客子携琴燕趙

來一感秋風心欲死鳴鞭躍馬過我前那堪杯酒重  
留連酒酣氣發百志奮談笑湏臾空百年坐中歎爾  
壯士心人事何勞問古今張蒼亦能論刑法君平徒  
然卜六壬仲尼治國苦不稱曾參事母猶難信時勢  
摧人著處生英雄遇抑常遲銑南山磊磊雲氣橫寒  
泉湔湔終日鳴請君拂袖謝人世與爾常為谷口耕  
贈王顯之

壬申以來兵事煩甘州一帶如痺肘

皇上憂勤厲萬機群公感激殊奔走不刺禿廝入寇  
初番漢生靈若摧朽西寧古來百事無關梁阻塞三

年久耕牧誰能出近郊輶運何曾見升斗碗粟甘心  
賣少妻積屍頗欲如岡阜徒使將軍覓健兒骨餒安  
能察身手西州豪傑王顯之受命觀風自分守查覈  
湏令極細微扶持豈肯辭傾仆彭公開府大軍來每  
事常稱濟世才積粟偶爾數十萬軍門氣色從此開  
二賊潛走陰山窟赤斤罕東如破竹驛耜還能闢草  
萊牛馬何湏論山谷經畧真令北海空勘讞那止邊  
情服古來志士各有懷天下蒼生豈無福邇者宣大  
抵延綏縱橫千里人煙淨天子宵衣發虎符元戎中  
夜傳軍令徹塞徒聞哭泣聲當關誰殄殘胡命法度

雖存人事乖內備踈虞外何兢北虜終能作內愆諸  
公慎勿重留連果能司馬安邊策好稱天官破虜年

寄劉朝宗氏

吾觀蒼梧之東有巨澤萬里一瞬誠叵測又聞北穹  
幽都古奧壤四方六合同趨向風氣况當明盛時自  
然蘊蓄生高尚予亦西秦古狂客羨子尋常獨豪放  
義氣今無鮑叔牙風流故數陶元亮乾坤賦物原不  
私賢哲膺時各有之騏驥雖屈迢遙心恢宏猶擅慷  
慨辭錦衣漢代執金吾貴盛豪華昔所無君子落拓  
近亦少將相勲名宜自圖感君深意勸君保欲見難

為路途杳短歌微吟雖不長寄君聊見當年好

邯鄲美入歌

蘭氏小姬名鳳笙邯鄲美人獨擅名等閑一見萬金  
賤何況逍遙翡翠屏精神婉變性情適自恨生身楊  
柳陌陌上羞看遊冶郎鏡中愁作當眉碧學得秦箏  
不肯彈却將針指秦齊紈鴛鴦刺就腸先斷掩却銀  
牀獨自嘆

秋雨吟

十日一晴晴復陰斜風細雨何浸溼山根泥滑寸薪  
貴水面苦生平地深神怒天摧或如此已看百穀半

將死餓寒盜賊着處生誅斬翻憂亂兵起徵求無度  
民自難諸公徒爾嘆微官豺狼當道捕不得紛紛法  
令何足觀忽憶成化甲辰歲公私克國綱維繫  
皇帝臨軒發禁錢細民尚作溝壑斃况復艱難至此  
時

九重深嚴那得知臺諫徒陳利害策間閭不見寧息  
期斗粟尺布命所直吏促官輸轉相逼甘肅縱橫土  
魯番商洛紛紜織染給中丞受詔不敢來此地生靈  
一何極嗚呼斯民天所生州縣相看何太輕

祖宗宋業保千古

陛下神武復英明一朝收取首事者會見爾曹雙眼  
清

送劉伯序

結廬遠人世倏忽將十年我心非土木安能忘時賢  
君家豪爽世無有我意私君今已久豈意今朝携手  
遊笑談若遺風雲走今君歸去赴岷城恨不同君萬  
里行青門碧草意亦白紫綬黃冠非兩情我歌雖好  
人難聽歌以贈君非漫興烹鷄炮黍事總佳翥鳳騫  
鵬有誰並君不見英雄遇事若等閑世道升沉瞬息  
間請君但醉葡萄酒丈夫勲業在朱顏

送吳慎之令銅梁

憶昔與子進鄉學桓褐彩票俱總角千人過眼無一  
堪私擬君才當穎脫以茲常聽萬里鳴豈意蕭條飯  
藜藿我昔應時官翰林世間名士空相博轉覺君才  
近所無垂老科場意羞縮奮迅因求勾漏閑聲華燁  
燁今非昨丈夫昂昂人世間要使氣量青天闊  
國家名公不可數俱向專城事氏瘼君不見漢庭黃  
霸與魯恭至今名譽振天地何況當時為列公

寄張士元

黃金臺上雲依依黃金臺下水瀦瀶臣今萬里去辛

苦安可辭但願

陛下壽萬歲使臣萬里無遺思

祖宗洪業際天地天地皆土人咸臣之斬刈流徙惟  
上所為遐方炎炎有肉不可食有酒不可卮况臣侍從  
邇文墀心之彷徨豈在此惟願

陛下有長期

陛下神聖古帝少臣心不為遐方老

王仁瑞梅花詩

十月君來游西口手出新詩百餘首苦詠梅花不肯  
除奇恠妖嬈體俱有君才倜儻眼底稀揮毫時遣較

龍走志士。遭窮旨所難。羨爾豪華茂。升斗近聞東訪  
楊。使君長安車馬動如雲。杯酒相逢休極意。世上萬  
人徒紛紜。不如早跨蹇驢去。醉我東山翡翠裙。

喜王郎再過

王郎再自府城來。敝車羸馬心恢恢。自言遊宴偏臺  
省。四座群公皆服才。咲談之下走夷齊。整欹未盡春  
風開此諦。雖狂苦不妄。可惜王郎無所裁。勸郎舉措  
休馳騖。行履不藏。間里惡以爾。聰明倜儻懷何必。忽  
若朝露少年嘆。首取科甲榜中之人。誰比數運徂  
事已死耶。休世上勲名。乃天杜軒車駟馬。雖可依覆

水烹魚理當悟豈若深君華岡子殢酒看花守玄素  
從軍行

烽火西傳虜騎來天王按劍雪山摧將軍裂眦奮一  
戰旌旗絞日雲氣迴朔風獵獵天山遠脅冰齧石交  
河斷材官爭取可汗頭諸君肯放明王返功成不日  
詔承明賞賜先推飛騎營曉騰俱封二千戶錦衣朱  
纓義氣橫聲名絡繹傳鄉邑甲第崢嶸開上京回頭  
笑殺魯連子白髮龍鍾空一生

聰馬行

漢朝御史大權力丞相尚書果難及一朝直指持斧

來十道爭聞冤鬼泣高帝朝儀本叔孫孝武英明體  
面尊窮兵蹠武盜賊起酷吏得志黔首屯暴生本是  
屠沽子衣繡乘驄萬人靡長吏揮斥不敢前父兄烜  
赫門如蟻夜夜朝朝樂事饒燕歌代舞霍嫖姚勢至  
特違收請室鳥散雲飛百事消

秋雨嘆三首

崩墻壞壁人夜號比鄰處處通波溝明燈執盞待天  
曙片雲浮來聲益號富家或能飽鷄黍嗟嗟柰此貧  
兒曹拽椽為薪麴為粥斗粟千錢肯相鬻

原上官道泥已深原下卑濕人怎禁四方極目盡明

水野菜可食何處尋  
掏塗匍匐寡筋力  
賓客逢迎甚  
胸臆安得大禹鑿  
九州更使蒼生免昏匿

此雨初晴人亦狂  
為能洗却煩蒸涼  
那知狠藉遂如  
此積陰鬱鬱行坐  
妨兒童階下戲舟楫  
風動檣帆行  
獵獵不知何日墜蓮房  
亂向波心逐蓮葉

寄滕子冲

戊辰與子別京國  
一別十年如頃刻  
野人心性百事  
慵  
尺書未入楊雄宅  
丈夫豪氣九牛輕  
六品微官有  
何得  
吾子風流近代稀  
新詩首首追曹植  
鵬飛鳳翥  
變化殊龍挂蛟騰  
果安極有懷欲語誰可知  
尋常思

汝心如塞山東李夢弼河間李宗易人來往往寄我  
書兼有篇詩如絡繹民懷昨日信亦至獨怪爾鋤非  
蓑昔直卿山西消息無粹夫河內聲尤赫數君才名  
先後無義氣上與雲霄浮愧我麌齋只飲酒未能彷  
彿身後圖前日客從滻西過歷誦諸君有程課此意  
蕭條久不聞私心豈但同年賀廊廟山林各有懷好  
景不常時易蹉跎願君努力思古人人生當作萬年身  
有才上可報

明主坐令四海承經綸滻西山水亦非惡斷壁懸崖  
何磊落終南太白走其下清渭汧漳面相錯秋來朝

夕雲氣橫喬木森森鳴鳥雀中情泮渙何所櫻舊日  
粗豪心漸薄或向西河學釣魚或向東原訪隱居割  
鷄飲如墾跣足蓬頭奚愧怍譬如野鷺山鷄被樊繫  
一朝脫翅向空山玉桂金囊肯輕集達亦無所歡窮  
亦無所苦我曹心事久不白禿顚安能為君數去年  
二月經紫閣恠石驚湍陋天姥其下一里秦草堂古  
人題詠橫如堵此時思欲與君遊擊筑徜徉歌石鼓  
有時策杖瀑布間有時坐遠臨高岵此意寥寥不復  
同因君歎息淚如雨

李節婦歌

鄉縣士大夫欲旌李銳妻之節<sub>士</sub>里子用之  
引紀叔姬卒鄰之事謂不在厥<sub>也</sub>因賦小詩  
辯焉齊之圖紀也紀侯命弟紀<sub>禾</sub>十以鄰入齊  
求后於五廟由紀侯去國之後又八年而紀  
侯死叔姬以紀宗廟由割始返不居割以奉  
紀祀蓋有割則姬得以死國與<sub>也</sub>妻欲死家  
而不可得者其事萬不同也而以此例之哉  
銳死父文固挈家就選遂盡賣<sub>也</sub>八田宅當是  
時銳妻雖欲如叔姬之若割得<sub>也</sub>成化甲辰  
之元關中老弱相食父子兄弟<sub>也</sub>於四方雖

婦人無歸義當歸之宗國父母心死兄弟蕩  
然無存幸伯兄喬祿在故銳妻介祿雖借貸  
而居亦異諸他人之室也今以叔姬之事例  
之不知節婦之事於叔姬何不同也叔姬邦  
君之夫人有與君同死社稷之義節婦庶民  
之妻居無定業朝貲夕改又上制於舅姑跡  
雖不同而心事一也夫道以無垢是尊婦以  
潔身為擗聖人之立教求其如是而已人豈  
不欲盡年夫室以明婦人之義哉然翁姑怒  
而去矣田宅盡矣欲死則弱息在抱圖存則

兄弟具遠加以年歲饑饉死者相藉使叔姬  
於此亦將若之何哉婦人不出閨門竇氏二  
女死於巖下彼巖下豈其家也苟無汚其身  
而已矣此庶人之妻安可與邦君夫人比也  
匡章之不幸非孟子之辯後世何明大抵予  
之所著憂君子之論不明于時而已

武功節婦李銳妻節操直與青天齊夫子舅姑苦欲  
嫁不從見逐何所棲阿舅宦去賣田畝妻孥俱作燕  
臺走悲號隕絕夫塚邊血淚如波心欲剖遺息在抱  
求死難欲守夫家豈能守吞聲自憤宗人居夜紡績

織苟糊口辛勤匍匐二十載息兒成長為人婦三十  
年餘舅死官姑來置屋比舊寬小叔家口自逼仄豈  
容老嫗供姑養紀侯去國紀季在叔姬故與鬻宗對  
先後不免舅姑嗔立錐無地腸空碎小叔近又賣新  
屋西入汧陽不復東身計蕭條兄弟踈安得不就寡  
女宿庶民自與邦君殊貧人貨餽何弗居南里舅史  
苦執禮豈未盡諳胡氏書桓公年紀已拔宗廟所  
繫情難忍三年遣季存餘剗吾君旣死身安極所以  
歸剗死宗廟謂剗如紀心所悼矣人鮮義自古然父  
子尚有耰鋤較尋常豈異不顧祖區區婆婦爾何人

聶孝婦歌

姑未老夫已亡事姑惟恐姑心傷妾幸不死得事姑  
姑病經年惟妾扶但得姑好妾常侍那惜此身成骨  
枯可憐阿母死時語願汝有婦還似汝不見賢郎喪  
汝時三載居廬不出戶

雲將軍畫水歌

誰將此水挂堂壁春風微動波濤鳴光明閃爍對天  
日浩蕩不息朝東傾西闊將軍妙齡客英武桓桓獨  
心悅他日龍荒破虜時看爾風雲千載色

丹廬篇三首

客子有諸予談黃白術者殊戾厥旨因賦三  
篇示之

丹廬煌煌神德居勤以煉之道所湏素女抱珠光陸  
離青衣公子誠熾匹洞房清瑩蕙帳弛鉗以玉鑰嚴  
兩扉四座溫溫春風遲兩七勿虧丹已基徐出深閨  
正容儀金鑪烈烈炎火馳承父之緒胤靈兒慎保護  
之候良期兒復純大燦有輝修飾冠蓋過里閭長孫  
肖祖性柔懿淳穢滌蕩肌若脂蠶斯詵詵彌軒墀世  
德透迤安可涯黃赤白黑守境隅分限整齊誰敢離  
九九既畢神化竒五金值之變本軀驂鸞駕鳳恣所

如千秋萬歲天與齊

其二

鉛晶既離神明希強以配對忘化機男女孳孕各有  
宜氣血勝負精何施大樸既散元氣飛君欲用之事  
反殊白為金精黑水基玄含黃芽原始初白黑混沌  
入鼓池七日不輒真裏君被褐懷玉誠絕奇采之合  
丹靈有餘升降揖遜必舒徐慎毋鹵莽為鬼唾吞噏  
既足審所趨毫髮乖謬道乃夷千百鍊之堅不移是  
為道樞任汝之准上為之凡三孽鉛氣盡利靈漸肥  
萬杯一貫理詎渝準繩未造君勿為爐火之事鉛未

意挈此玄理君何師

其三

火記六百盡微言子欲煉之湏得傳二氣方媾宜自  
然慎勿暴迫令有愆祥風暖日古所賢詰責統錄察  
機權纖芥不正晦吝縣反復兩七定始先均齊諦視  
轉精妍溶以上池俾真純若孩在抱母已捐配以姹  
女技赤門再取再配慎勿寢八再再鎔之無憚煩鉛晶  
銷絕体還乾點化澆漓唯汝便宗枝從此稱庶蕃百  
千萬億如景旋前後法度各有玄子若違之功不延  
丹砂效此勿迷眩事既瑩潔效亦然大丹爐火體相

連則而象之令子仙

十九日即事

養雛自恨羽翼短翼長飛去豈思返老烏目斷東南  
枝白日青天一何遠尾禿唇焦徒自啼啼殺老烏雛  
詎知願雛養雛還勝雛慎勿離覬如老烏

十六日聞張甥之架訃

於戲人生百歲火適意為樂幾時凶變生頭禿齒豁  
復丁此兒女之際胡為情生女必欲嫁好婿此婿此  
才誰與京文章欲窺班馬戶盛代科場先得名共和  
不賓意安洽孝道因心人誰能三十二歲倏殄滅我

口不語心獨驚遺汝大人百志歇辛苦生男安所成  
孤兒啾啾雙女泣死者不聞生者悒親戚哀毀豈滅  
性天高地厚嗟何及強嘗醯醬且隨人背食粗糲甘  
若蜜膏梁之子忽如此痛苦在心情可已憇當西堂  
群試時等閑所作俱高致含弘那許世情移見者都  
誇公輔器此日重淵喚不回地下修文豈虛謂我歌  
欲轉音復哀鬼神有靈安在哉百年過眼若旦夕汝  
志不伸人盡惜幽懷咄咄欲寐難城烏伊啞東方白

四月三十日雨示德充

昨日有雨塵不洒今日雨多雲更長逕天四望無寸

碧野人稼穡何所妨。但聞江淮人相食父子不保。况  
路傍關中雖無橫盜苦邊餉轉輸日相望麥豆半為  
風雨鉅我秋未布人皇皇晨興東出望雲氣晴天赤  
日心自傷千歎萬息日將晏天風不動簾影黑湏臾  
雨脚下平地逐喧何啻萬馬力向夕雖看懸溜微達  
旦霏霏雨如織喜聞優渥遍九土倏忽之間信難測  
天地之德本好生大塊豈厭物生成大身痞逆百體  
滯氣運所生誰可明豐年弗儉歎時極却與造化生  
撓捨安得官長息雜役令此黔首俱深耕禁侈薄飲  
久自足何必義倉與長平

有所思

有所思兮乃在天一方徘徊不可見反復令心傷秋  
雨霏霏庭院空思逢君兮君莫逢流蘇羅帶那復展  
階下梧桐生悲風

西谿醉歌

西谿草堂春水深西谿主人谿上吟割鷄把酒勸客  
醉少小幾時衰老侵朱顏白日休自負請君試看芳  
春林我聞此語倍感激世上幾人如此心明朝何不出  
美酒更與東眺華山岑

東山圖

張侯風致人所無走使示我東山圖展玩數四信絕  
筆問君此物奚來乎懸崖惟石幾千仞鳴泉遠自天  
河噴衝波灑沫沉日光松枿參徊與天近江東夫子  
廟廊材何心苦愛此山遁海內捨攘晉祚衰強臣雜  
虜聲相震志士猶懷異代悲英雄况覩當時蓮豪華  
紛紛左右軍虛名實害動愁人不若恣意向巖壑閑  
窺石壁靜怡神洞房露下空青滑松徑春深花鳥馴  
此時坐嘯樂已極況有蛾眉翡翠裙蛾眉翡翠殊妖  
冶急管繁絃曲難寫浮雲欲住芳草青萬態千嬌益  
瀟洒前遮後擁迤邐陳可憐歲月如飄瓦襟期未與

世推移羅綺寧關身用舍新亭手板壁後兵始信時  
危湏大雅張侯收此豈無意人情所愛皆身似博學  
期登白虎堂成名却掌中年事撫卷因生感慨懷遂  
寫長歌為君寄

聽韓景文彈琵琶

關西弟子彈琵琶武氏成名已三世勝死忠老傳授  
稀尚宵已近六十二要妙誓不教女兒精微安肯輸  
同事武功少年韓景文杳撥檀槽酷能似然打鈎挑  
色色精調停布置俱神異大曲渾涵小曲嫋群官衆  
調無窺避始知絕藝本天成誰云末技非難致清秋

八月賓客來尊俎未列管絃開立酌停歌兩三醕此聲一出人盡駭倉庚微吟柔柔底凍竹乍裂洪園隈遊蜂逐萼遠不歇曲嶺回鑾繁更催千山夜落九天雨空谷朝驚三月雷悠揚拂掉轉相勝閒喝詬互清且哀鉄騎橫來長樂坂神女坐對陽雲臺閑庭翻絮去閃爍絕壑墮石來碠礎曲曲宛轉意態別三百四十猶往回憶昔京華公宴日教坊子弟紛紛出三院都輸張學彈數年頗會聲音悉以此常誇武氏高汝今操縱如畫一夜深客醉席屢更四座嗟咨未忍行曲終更奏不知旦戶外驚聞繁雀鳴

蜀山峨峨

蜀山峨峨漢水湔湔兒來既不易兒去誠已難嗚呼  
皇天奪我老母使我倉皇奔逐不得前拊心欲訴誰  
可言我父舍我早長逈恨不終日侍母邊南山可摧  
海可涸此身斃斃往安托

傷輶輶可父之子族之子姓莫強焉讀書習禮  
駁為成人倏爾告亡涕泗交頤哭之以詩志  
予傷也

吾宗有孫子玉質光嶙峋總好紙墨事敏捷如有神  
溫克過諸父私為予所珍緝學綠野忘寒暑奮志直

欲追先民大美不竟乃天折使我痛哭聞者辛汝死  
不復作我哀誰可陳少年弱冠隨鬼錄爺娘兄弟哭  
聲直上千清旻埋玉於土幾時出荒郊日落惟孤墳  
孤墳三尺生秋草愁殺東西南北人

瑞州太守行

瑞州太守鄺廷瑞至之日賊方勢手無寸鐵兵衛  
空健兒聞驚皆逃避郡吏不敢更趨承苦諫當虞身  
後事四境安危係此身太守一逃何以徇當衙一呼  
士爭奮始信英雄氣有神賊兵星散城已保轉顧因  
知寇所巧焚破柵殺欽近民賊失所資如逝鳥至今

瑞郡立生祠君與劉侯如在茲丈夫尋常薄鍾鼎  
譽升沉何足疑嗟嗟貝錦者誰子謗君畚使君名起  
蓋棺事定古所傳才去幾時民若此天道恢恢監獨  
明區區豎子胡為爾

送席給事彖判夷陵

扶輿之內惟人最靈禮義所閑品物乃成四維弗張  
人滅天頃細氓弗忌君子是兢一綫不絕其幾豈輕  
今夕何夕與子逢迎握手述志嘉言盈庭感君之意  
慰我平生酌子以大斗兼之以椎鳴聞君遷謫萬里  
去君懷磊落令吾驚湘濤之賦賈生弔屈平而傷情

忠臣之死志不減况此芥蒂何所

安斯文眼底掃地

盡繆誤往往偷高名我肉可裂舌不可轉兮吾不如

妾婦皆非面是而求榮雖如已墜而復起已死而復生精意直與上帝許皇天寧不監爾之忠誠夷陵山

水亦改色嗟君直道昭汗青君不見長安道上紅塵  
足千秋萬古永不歇誰見當時浮薄子

席侍御過予言乃兄方伯公少時夢洛江漲落

得碑刻曰三仲聯芳未幾方伯公登第又二

年季弟給事君與侍御君相繼亦第位既顯

頤名復芳烈夢之足徵有若是者因辟公之

賦倚而賦之

席侍御溫以貞方伯之弟給事兄乎出一卷皆鉅作  
授我讀之嘆且驚傳巖之夢古所信掌夢况是周官  
名精誠契合理自異靈氣萃會寧肯輕高科顯宦世  
雖有豈若君家昆與季昌時次第傳令聲山可摧今  
地可裂此聲千古恒光明方伯長厚近未覩雄文絕  
勢鳴西土給中初官骨鯁聞世間男子誰比數况君  
新自翰林除風骨飄飄氣如虎片言已識冰蘖心終  
身肯放鯨鯢侮蜀中累代擅賢豪不似君家兄弟曾  
袖中長劍光如許幸掃挽捨翊 聖朝

青門歌

人生會少離別多握手送君君若何青門芳草四瀰  
瀰蒼渭素渥生愁波今日送君歸何日望君至憐君  
磊落人紛華亦何事長亭山色遠近開與君酌酒願  
君醉此去當為遠別離離愁漠漠心如碎楊柳青青  
知為誰鳴泉日日摧歸騎歌者且勿停行者且暫憇  
潭陵橋上西日馳朱顏那許人恒駐君才特達近所  
稀許身當作青雲器况茲先後被恩私閑閑崎嶇蔑  
群貴從來將相出名家涔魚轍鯈空相覩顧君拂拭  
星斗文莫使塵氛等閑蔽離別雖難兒女情行藏頗

涉英雄事酒酣長揖各自歸明日相思渺無際

世爵堂宴歌湖子

故人在眼幾人是今日見君心欲酸西堂設宴奉高會佳期古來誠已難肇遊慷慨竟不歇老去風流還自歎長生有訣未一試頓令白髮催朱顏仲連豈是魯男子孫登寧愧石門山危酒奉君為君壽筦絃瑣瑣何足言

憶昔行

憶昔同子雲霄上志意逍遙隨所向豈知今日老會來臨風握手增悽愴邊城七月秋風寒大河蕩蕩無

殺湍君今匹馬甘泉去撲耶胡沙行路難

王女泉

王女泉西有石室水落龍潭波濶涌笑殺東京馬仲  
長駐此何爲忽飄逸平生絳帳縣絲竹數十蟻眉列  
華屋泉頭習習秋風生不見當時環珮聲古來大美  
小難知愛爾千年文學名

對山集卷之八

康對山先生集卷之九

七言古詩

將錢明叔值公垂至不果先寄明叔

欲錢美人詣彭麓更值故人來游西藍輿已駕復自  
嗟嗟已入門還索題牋來鳥雀噪不止豈憶佳期忽  
如此呼兒酒榼開東堂流酒徘徊意彌喜人生會合  
誠獨難誰謂相逢介卒間東谷主人且微憇明日共  
汝遊南山

華山篇

華山高兮幾千仞煙雲終日橫其巔中有仙人受靈

藥刀主入口壽萬年天方先生紫霞叟下謫尚有雲  
霄恩榮名耻逐世人機高風獨耿昌明世歸隱忽經  
三十春賢郎頭角更驚人文章已可報

明主林壑何辜自在身聞君欲訪蓬萊祕萬里天風  
豈難致歸時尚過華山頭與君却話希夷事

岐東宅聽歌

予醉鳳泉酒汝歌羽調詞調聲轉迫已知興過度綴  
今應自奇岐東主人喜賓客留我更出黃金卮金卮  
更出從何始千呼萬喚金陵子綺坐都鋪氍毹香  
塵細逐雕梁起仙姿豈用粉黛粧羅衣不受東風靡

坐客徒驚玉貌無當歌誰辨希聲羨岐東岐東君自知此子此歌令我疑不知東山謝安石所携與此誰妍媸

疆場村

渭南西北疆場村無數桃花開華門高陵到此已卓午滿路風沙愁斷魂去縣尚有三十里僕夫嗷嗷默相語地慘天愁行路難豈知主人心更苦五字先拚數莖鬚千金不及步兵厨太微處士興恢闢高風常候城西隅何時身坐少陵洞共渠細倒水晶壺

題王秀才牡丹圖

何日到吾家牡丹應著花開圖一見興已發遲似當  
年宴紫霞雕欄不受春風抑綠葉紅蕤舞風力終日  
迴旋不肯休根株苦披丹青匿遠路遼洄銷客心夢  
魂惟在草堂陰牡丹牡丹吾語汝三月八日始穀雨

夜宴孝夫宅

憶昔正統天順間渭南薛丈同先子闢內通稱夫子  
名二老實為天下士以此通家數十年善行嘉言時  
在耳後嗣全如兄弟親前脩自篤謙恭禮往歲逢君  
巴蜀歸厚意遙遙還若此愧我疎慵未敢當聞君談  
論心私喜

盛世自宜英邁人迂儒豈識經綸理蕭何難居侍從  
官賈人生肯與絳灌比司馬道遙忽見疑誰知中道生  
裏非治君無能返興才看花尚切群公齒丘壑徒深  
社稷憂

廟堂獨忍乾坤否春幕閒遊火華峯逢迎幸辱賢橋  
梓握手那知感慨生醉歌不覺稀聲起君臣之義君  
莫忘還期三月下和陽用舍自為大臣事顯晦豈為  
吾道妨君不見崑崙黃河天上来銀濤雪浪如山摧  
不遺消滌盡入海誰謂海門開不開

南谿泉池歌

此池故無許今來心自疑泉源不為后土抑特與幽  
居扶勝奇水北主人冰雪姿携我每來遊此池往往  
坐弄已適意卽日行吟尤所宜玄靈本自灝天坼佳  
處獨令豪俊知君不見秦嶺以南水無數洶湧濶蕩  
誰更嘆恩公之溪一掬耳此水此名非公誰

閭家渡同呂王二君作

美人約我遊湯泉明日同之清渭川日中我抵閭家  
渡不見美人心自憐嘉興太守清狂客肯使相逢倉  
卒還天昏雲暗古道澁思君不來空佇立金銜白馬  
中夜嘶青尊碧碗嗟何及達旦不寐芳意衰空庭露

丁答苔濕明星漸低人漸喧起來翹首望西原原頭  
不見車馬下戶外空聞鴉鵲繁

南墅草堂

南墅草堂春可憐我來坐之心灑然名花芳草秀如  
織翠壁蒼崖當坐懸主人本是清狂客築居故與塵  
氣隔興來吟望夕未休素心淵思誰能測坐間嘆汝  
青雲姿正好揮冠向盛時胸中已富書萬卷射策君  
門誰更奇何為苦向此中隱笑殺長安輕薄兒君家  
閨閣世無比裏教高風貫青史兩兄一弟並雲霄憐  
君尚且沉絳梓天子重紳需俊才諸生奮其秋風

襄佇看四鳳起殺函豈獨光輝照閭里

陌底

陌底之南河北隈木末駢駢雙騎來  
塞輿致語意益謹手出新詩若瓊瑰  
高陵夫子謫君此俗易風移世莫比  
以我十年不覩情相見何須論厄巴

王總制維綱凱還歌

秋風清秋草黃胡馬橫飛  
河梁村官奮擊胡馬盡幕下  
生致月氏王憶昔先皇全盛時  
六龍結駕親出師朔方健兒佩金虎  
人人思奪胡馬騎胡來趨趨其旋  
如雷萬夫發弩不能一摧豈知神武本不殺喜功

不至胡為哉吾聞天子之守在四夷爪牙之士皆能  
燕朝中但有荆山老莫怕邊風疋鼓鼙

春莫嘆

今日復春莫芳華能幾時今人不見昔人樂今人之  
樂昔豈知簾泉沸沸沼翠微我坐溪頭看絮飛輕颺  
依約杏無定明日相逢安可知去年謾作華山客對  
食不能心自憐此時空作山中人閑情人事仍相迫  
苦憶同袍三四君卽有稀聲誰更聞不如殺雞飲美  
酒醉時遙望南山雲

答太徵游西行

結廬事塲藿徒欲食其力世人那能知謂我謝親懶  
平生無遐思長往將安極種樹森森高擣天栽花謾  
喜多穠色苟使徜徉終此身敢向長天振雙翼諸君  
義氣如古人訪予幽壑滯芳春興豪邁那憚三百里筆  
落欲掃千人軍君和紫芝曲我草比山文局望日夕  
雲霞動嘯弄清波漾綵紋盧丈當絃歌白紵飛花飄  
上石榴裙於時君醉我起舞空林鶯燕如相語眼底  
韶華取次休人生適意能幾許往者閑遊翰墨塲羣  
公以我似班楊雕蟲徒使為身累安知山林歲月有  
此喪我家桑落近所少與君斟酌各千觴安石東山

已塵蹟後人詎識吾曹狂君不見葛洪苦慕不死藥  
從令紅顏坐消燭長生有法遇者難不如逢暇先行  
樂逝水無迴波罷魚無縱躍徘徊歌汝游西行却把  
空鞍笑東郭

濟東輶圃

我非漢陰叟壤園津水東處世本無機巧心胡為桔  
槔懸此中園丁再拜向我諾此意千古誰可通舟車  
亦是古帝作胡不辭去存古風言者自有訛讀者自  
無窮坂泉之戰至今誦安用區區矢與弓

九月十九日步過游西

老夫今日來游西滸西景物何淒淒庭垣半倒墻地  
折孤鳥噭噭深樹啼昔余治此望終老常携稚子尋  
梨棗二十年來百志違山妻謝去兒復夭遺我伶丁  
樂思無此身雖存骨肉踈行吟水際力已憊况謂能  
生千里駒憶昔弘治歲己卯山妻結髮慈幃好兒女  
滿前歡笑多朝夕采蘋更何惱今日荼毒結我腸萬  
事過眼俱草草繁憂苦人驅遣難因擁籃輿過此間  
那知破碎忽如此今予坐嘆淚溼浸

古人慎恒節行

古人慎恒節今人重虛名蓋棺事乃定虛名終底成

年譜家乘死後物人人傳刻人人輕那知身去事委  
地蛛網育門親者避製作徒為覆瓿資喧囂真似兒  
童戲臨風三嘆欲語羞丈夫處世何須是請看李杜  
偃蹇徒千秋萬古安能弊

答趙翁

爾本幽棲者訪予何太頻共坐感君意因出滸西春  
滸西春酒世難見與君斟酌寄情親昔年李白在宣  
國往來惟愛敬亭人丈夫心事遽難說看爾豈是尋  
常倫明朝莫惜再相遇尚有甕頭三斗醇

兩晴

雨中看山好雨過山益佳笑予愛山久成癖竟日偃  
蹇坐山齋山色穠淡俱有態變化不但雲與霾此身  
安能生羽翼因之南去視丹崖神仙雖有法未得玄  
鶴安肯降我階唯待勾漏鍊砂熟却共盧敖遊月街

費時憇竹屏歌

君家竹樹上千霄喜予東邁時能至戶牖常看拂翠  
雲庭階每坐生芳恩屏中主人逸少姿風流磊落誰  
能似賓客如逢蕭史來憑君莫話乘鸞事

送尹員外還蜀

去年五月二十二送君北躍朝天轡今年此日君復

來更覺君懷有幽致豪俊逢時自古難羨君倏爾陞  
清班苦心高節通明主鄙士貪夫俱厚顏坐我前除  
話今昔頓令涸澤生波瀾君歸梓里畫衣錦不但光  
輝照庭寢重來應是莫秋天再向西堂邀月飲

效賦長安美人歌

長安美人十七八長安陌上草軋軋錦衣縠袴坐樓  
頭水精為簾玉為闌琵琶一撥心緒煩未竟梁州淚  
已彈春門公子人如玉宛西寶馬金作鞍爭聲走上  
樓中覓密語幽情附耳傳酒盃未醉羅幃暖一時已  
盡如花顏可憐會少別離多別去匆匆三十年容華

銷盡不知處夜夜深閨空自憐

短歌行

青樓下瞓垂揚道紅粧結伴尋芳艸脩眉照月翠雙  
鸞杏撥琵琶笑春早五陵年少賤黃金一聽嬌歌意  
便深千金願買芙蓉幕不願千金願一心湏臾樂盡  
夜白歡去悲生心脉脉人生拘束朱顏飛飄羨幽  
州胡馬客

送符上玉

太白蒼蒼渭波碧空林烟暝朱絲劇歸期應在菊花  
天酌酒相看意安極此別與君心事違岐路紛紛欲

語誰相思每到曙光出愁見階前芳艸菲

別客

別君東去君馬遲白日青春安所之  
攜榼酌酒古城下急管繁絃心轉悲  
君不見世之男子重交誼忽謾看時舊情異不如水邊楊柳枝  
年去年來綠相似

晚行灞水

昔行灞水踏芳艸今行灞水雪皓皓人生柄泊少定期  
比去南來何潦倒暝色遙看下漢宮彤雲又見起  
新豐征夫肅裂指欲落欲行不行悲朔風君不見道  
傍古墓半墳圯知是當年誰氏誰

華陰逐朱孔明劉世常二子還武功

羨子老來還尔健微官能破萬里行人來忽傳近日  
事我口不語感我情市井亦能領州縣儒生咄咄空  
無成可憐世長亦白首少日雄心今在否仙郎俱熟  
文字科不在君身在君後世事悠悠行轉難丈夫自  
古蒙塵垢我今沽酒君莫辭人生百爾難遽知傷心  
却憶塞翁馬不如且醉金屈卮

順德別表弟拱辰

客車北去君莫留客心 日日在西州  
滿眼空含秦陵淚 肯以富貴為楚囚  
君才俊逸應知此 人生適意胡

不止後歲重陽予定歸當訪秦餘赤松子

真定王中丞院中有感

中丞論事久彌壯老至一生人未知有時慷慨盡微  
細眼前豪傑俱堪嗤君不見一言誤國古來少衆口  
咷咷空懊惱又不見美人登臺醞婦忌歲月悠悠水

東逝

擬短歌行

君不見城東少年遊青絲金勒凌五侯又不見城西  
少年遊名姬麗曲當朱樓歌前有酒不知醉過去韶

華空自然

樂府詩

主人新開西小堂種蓮欲見蓮葉長翠稍扶雨蒲池  
出紅蓮何日拆新香客至看花休索寞且向池旁作  
胡樂嗟爾何不繫繫垂明日西風恐花落

燕歌行

浮雲森森銀漢明繁燈繡纈陳廣庭山林木落歸路  
真與君相見寫平生羨酒不御何所攖

朱門

朱門翠戶文綺車秦謳趙舞白縠紗堂前碧甃酒如  
海醉後雲鬟人似花可憐不是幽州子擊鍊舞劍翻

剛起座客俱誇轉折圓傍人那識便旋耻舊時名藉  
場屋驚如今齷齪羞鄉里不念猶堪愛肉軀莫棄平  
生容易死

符上玉携酒過滸西

故人騎馬來滸西鷓鴣一雙親自提筠籠十魚錦鱗  
碎村酒滿尊猶帶泥毛盆益斟酌夕陽下狂歌坐嘯俱  
輕灑却笑當年陸士龍平生枉作風流者

聞故人楊用之有書付鄉縣親友責望賤子因

成小詩自見

故人念我長孤曠遠將携我雲霄上此意優遊情自

親寧知賤子甘踈蕩二十八歲對麒麟尋常不數江都相治身妄欲比臯夔堯舜君民復誰讓自信絕無一縷瑕何堪早被三夫謗謝役常懸萬里心還耕未恆辟兇詎以茲感嘆辭故懷隨時爛熳沉歌唱要使終身罷宦情何妨盛節虧微諒阮藉窮途事已然謝安東獻同高尚截木何嘗見附枝驚禽自昔無留鶻粗懷每信絕櫻纏丹心肯致埋光亮卜生務子亦自豪谷永揚雄是何狀楊修媚世素所慚苦節隨心死無快君不見世間之水幾千萬異派殊源各東向丈夫磊落苟如爾粉胸繡臆安能誑

雜詩

蘭膏欲盡山月明披衣起坐心未平憶昔別子邯鄲  
城寒泉泠泠雲氣橫曲堂獨自誰共情珍珠玳瑁委  
閒籠安得握手話平生黃金白璧咸所輕

與仲木涉武水登東原入韓店道中

春風薄林林翠浮繁泉汨汨旌轡游送子東行還故  
丘傷心握手增百憂歲月何亟逝難留嗟余雙鬢今  
欲秋燃燭夜詰興豈休歡會何短愁何悠深山孤獨  
少人憐中情交結涕泗流吳刀楚佩蘭桂舟我欲遠  
去辭此遊驚濤怒石躋轉愁強欲從之執莫由悲歌

望山集卷之九  
三  
慷慨意益懬誰識此音臨苗侯

新寒佛堂奉謝錢送諸公

群公携酒隨珍饌送余西去岐山縣兩晴轉覺天氣  
新鳴條更識秋風面不湏絃管心自佳況有清歌沸  
堂歟酒酣欲起客更留隋陵山色與雲浮生年七十  
幾時耳不欽令人空白頭憶昔供奉金闈日終南太  
白徒為恤纏櫻難愜靜遊心投閒肯負山林逸此行  
真已遂孤懷訪舊尋幽百事諧山人義氣多慷慨不  
醉重陽定不迴

扶風西原逢張丞邦彥馮秀才顯庸携酒相遲

因與痛飲樹下

主人愛客知客意遠出郊原待其至樹末徒聞尊酒  
香車裏那猜車外事須臾簪向車前立含笑不言但  
長揖誰家場面雙磚存展放杯盤出供給情真義合  
今古稀入手杯空若鯨吸遙遊本慕山水佳潛行友  
被賓朋龍裝醉來與子各狂歌此日相逢如樂何君不  
見原頭高塚映殘暉斷碑剥落人事非英雄馬竇今  
安在惟有秋風吹客衣

聽歌

十年謁帝雲霄上等閒不省人間唱解綬重來隱舊

山始覺新聲能蕩漾清秋雲靜天宇澄寒月皎皎流  
空明夜坐誰知省絲竹初翻已羨嬌鶯鳴鶯語燕  
紛難定杳撥琵琶各相競小歌宛轉大歌驚抑抑悠  
悠無定勝遏雲白雪空記聞柳葉桃心亦浪云歇指  
總能驚四座當臺不必和千人地主多情猶未許更  
絃換節移律呂意妙寧憂曲不新才高逾遺稀聲舉  
諸公嘆息口不絕由來調好輕顏色却笑當年杜牧  
之尋常枉作風流客

周公廟古椒行

岐山西北周公殿迴山揖岫紛如龍殿前古木無數

交老楸鬱欝當前面根盤后土誰能測柯動雲霄人  
共羨風來掃拂剝山壁雪重崔嵬若驚歎此楸植此  
知幾年十人聯臂圖難徧皴皮怒起蛟龍甲鳴葉酣  
同雷雨戰辟公觀視各嘆息始知靈物非常見秋空  
漠漠雙鶴來岐山千疊雲錦開覽時撫景雖多暇昔  
日古人安在哉方今群盜各艸竊河南河北俱愁絕  
焚灼潭無片瓦存參天那討孤標子豈係朝廷約束  
疎由來長吏風聲缺徐李俱傳治郡蒙蘇生亦是郎  
官傑保護須令盡細微扶持未可辭襟懷憶昔西周  
全盛時越裳航海亦來儀熙功隆效今猶赫况在當

年親見之自從來轉東周後王室削弱如培塿八百徒欽寶眷長一綫誰憐延虎口我茲憇此百感生諸公名爾負特名幸逢天子憂勤日好遣周公禮樂行

出周公廟觀望終南山

已出周公廟忽望南山巔南山崎嶇天下無終日紛  
縕凌紫烟日夕逾覓氣象好千峯萬壑爭妖妍稍西  
乃見太白雪嶢嶢帆峒丸孤絕半山橫出霞彩明一  
路平連翠華揭山下看山山始佳那看渭東南折  
水氣蒼茫薄近林烟光蕩漾接層峯鳥衆驚度知何  
極古往今來空自深我愛太白山因逢太白叟短髮

奮奮被兩肩杖頭笑指駱谷口人生不得常朱顏車  
塵馬足胡為走君不見建章栢梁惟土丘斜風細雨  
令人愁又不見赤松黃石發霞去至今猶向山中住  
山中歲月不憐人碧艸蒼溪日日春欲鍊還丹謝人  
世無如此處問迷津

別湯逸人

知汝新從南嶽來可曾聞洮葛洪臺葛洪仙去已千  
載金鼎丹砂安在哉伯陽空有參同契世人不知皆  
浪猜前年我見王子晉頗謂君為物外才聞君又欲  
湘江去遺我誰同濁酒杯佳期渺渺空遲莫我望湘

江但烟樹道成煩語赤松君有書寄我雲深處

夢遊天柱峯歌

往與歌湖話山水為我常誇天柱峯此峯奇絕世稀  
覩對之即可開塵胸昔者西歸舍峯下徘徊三日興  
轉濃白雲不斷挂天碧玄鶴時棲迴澗松恨不羽翼  
過虎阪并覽五老金芙蓉庚午季冬日在五夢與歌  
湖載春酒驅車忽至王官谷倚伏晴陰狀俱有瀑布  
雙懸白玉虹輕烟淡鎖丹霞口內有仙人安期生笑  
予陸海沉淪父袖中授我藥一丸服之壽可三光後  
愧我東西南北徒身外浮名亦何有

華州贈王二

人生一別常十年百年能得幾回別相看慚大迹慚  
踈憐君義氣無時竭眼底紛紛不可言諦觀誰是人  
中傑當時長道看君才豈得尋常老岩穴君不見青  
萍在匣塵土封不若鉛刀在手中張華拂拭夜衝斗  
區區之器胡為有

觀輿菜

沂東種菜菜已熟數畝輿來不盈轂積陰地冷生意  
微桔槔空自勞童僕連年種豆無一成綠雲滿地陰  
雨朴家口嗷嗷三十餘此菜安能佐饌芻往歲寧無

恒雨時不似今年太翻覆三月浸淫到中秋天日不  
瞻魚走陸農家處處守塲禾官吏紛紛飽梁肉深山  
雪凍薪不來男號女啼聲相逐水不潤下洪範嗔願  
以波濤注空谷雨暘時若年歲豐我菜全無心亦足

對山集卷之九